

1

Feria v. die 24. Septembris 1665.

In Congregatione generali Sanctæ Romanæ, & vniuersalis Inquisitionis habita in Palatio Apostolico Montis Quirinalis coram Sanctiss. D. N. D. Alexandro Diuina Prouidentia Papæ VII. ac Eminentissimis, & Reuerendissimis DD. S. R. E. Cardinalibus in tota Republica Christiana aduersus hæreticam prauitatem Generalibus Inquisitoribus à Sancta Sede Apostolica specialitèr Deputatis.



BIBLIOTECA NAZ.
ROMA
VITTORIO EMANUELE.

Sanctissimus D. N. audiuit non sine magno animi sui mœrore, complures opi-

A

nio.

niones Christianæ Disciplinæ relaxatiuas, & Animarum perniciem inferentes, partim antiquitus iterum suscitari, partim nouitè prodire: Et summam illam luxuriantium ingeniorum licentiam in dies magis excrescere, per quam in rebus ad conscientiam pertinentibus modus opinandi irrepsit alienus omninò ab Evangelica simplicitate, Sanctorumque Patrum doctrina, & quem, si pro recta regula fideles in praxi sequerentur, ingens eruptura esset Christianæ vitæ corruptela. Quarè, ne vllò vnquam tempore viam salutis, quam suprema veritas Deus, cuius verba in æternum permanent; arctam esse definiuit, in animarum perniciem dilatarì, seù veriùs perueri contingeret, idem Sanctissimus D.N. vt oues sibi creditas ab eiusmodi spatiosa, lataque, per quam itur ad perditionem, via, pro pastoralì sollicitudine in rectam semitam euocaret, earundem opinionem examen pluribus in Sacra Teologia Magistris, & deindè Eminentissimis, & Reuerendissimis Dominis Cardinalibus contra hæreticam prauitatem Generalibus Inquisi-

quisitoribus seriò commisit : Qui tantum negotium strenuè aggressi , eique sedulò incumbentes , & maturè discussis vsque ad hanc diem infra scriptis propositionibus, super vnaquaque ipsarum sua suffragia sanctitati Suæ singillatim exposuerunt .

- 1 Homo nullo vnquam vitæ suæ tempore tenetur elicere actum fidei , spei , & charitatis , ex vi præceptorum diuinorum ad eas virtutes pertinentium .
- 2 Vir equestris , ad duellum prouocatus, potest illud acceptare , nè timiditatis notam apud alios incurrat .
- 3 Sententia asserens Bullam Coenæ solum prohibere absolutionem hæresis , & aliorum criminum , quando publica sunt, & id non derogare facultate Tridentini , in qua de occultis criminibus sermo est, anno 1629. 18. Iulij in Consistorio Sacræ Congregationis Eminentiss. Cardinalium visa , & tolerata est .
- 4 Prælati Regulares possunt in foro conscientię absolvere quoscumque sæculares ab hæresi occulta , & ab excommunicatione propter eam incurssa .

- 5 Quamuis euidentèr tibi constet Petrum esse hæreticum, non teneris denunciare, si probare non possis .
- 6 Confessarius, qui in Sacramentali Confessione tribuit Pœnitenti chartam postea legendam, in qua ad Venerem incitat, non censetur sollicitasse in Confessione, ac proindè non est denunciandus .
- 7 Modus euadendi obligationem denuncianda sollicitationis est: Si sollicitatus confiteatur cum sollicitante, hic potest ipsum absoluerè absque onere denunciandi .
- 8 Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsimet Celebranti correspondentem, idque post Decretum Urbani Octauì .
- 9 Post Decretum Urbani potest Sacerdos, cui Missæ celebrandæ traduntur per aliũ satisfacere collato illi minori stipendio, alia parte stipendij sibi retenta .
- 10 Non est contra iustitiam pro pluribus sacrificijs stipendium accipere, & sacrificium vnum offerre; Neque etiam est con-

tra fidelitatem, etiam si promittam promissione etiam iuramento firmata, danti stipendium, quod pro nullo alio offeram.

- 11 Peccata in Confessione omissa, seu oblita ob instans periculum vitæ, aut ob aliam causam non tenemur in sequenti confessione exprimere.
- 12 Mendicantes possunt absoluerè à casibus Episcopis reservatis, non obtenta ad id Episcoporum facultate.
- 13 Satisfacit præcepto annuæ Confessionis, qui confitetur Regulari Episcopo præsentato, sed ab eo iniuste reprobato.
- 14 Qui facit Confessionem voluntariè nullam, satisfacit præcepto Ecclesiæ.
- 15 Pœnitens propria auctoritate substituere sibi alium potest, qui loco ipsius pœnitentiam adimpleat.
- 16 Qui Beneficium curatum habent, possunt sibi eligere in Confessarium simplicem Sacerdotem non approbatum ab Ordinario.
- 17 Est licitum Religioso, vel Clerico calumniatorem graua crimina de se, vel de sua Religione spargere minantem, oc-

cidere, quando alius modus defendendi non suppetit, vti suppetere non videtur, si calumniator sit paratus, vel ipsi Religioso, vel eius Religioni publicè, & coram grauissimis Viris prædicta impingere, nisi occidatur.

- 18 Licet interficere falsum Accusatorem, falsos Testes, ac etiam Iudicem, à quo iniqua certò imminet sententia, si alia via non potest innocens damnum euitare.
- 19 Non peccat Maritus occidens propria auctoritate Vxorem in adulterio deprehensam.
- 20 Restitutio à Pio V. imposita Beneficiatis non recitantibus, non debetur in conscientia ante sententiam declaratoriam Iudicis, eò quod sit pœna.
- 21 Habens Cappellaniæ collatiam, aut quoduis aliud Beneficium Ecclesiasticum, si studio litterarum vacet, satisfacit suæ obligationi, si Officium per alium recitet.
- 22 Non est contrà iustitiam Beneficia Ecclesiastica non conferre gratis, quia collator conferens illa beneficia Ecclesiastica pecunia interueniente non exigit illam

lam pro collatione Beneficij, sed veluti pro emolumento temporali, quod tibi conferre non tenebatur.

- 23 Frangens ieiunium Ecclesiæ, ad quod tenetur, non peccat mortalitèr, nisi ex contemptu, vel inobedientia hoc faciat, putà, quia non vult se subijcere præcepto.
- 24 Mollities, sodomia, & bestialitas sunt peccata eiusdem speciei infimæ, ideòque sufficit dicere in Confessione, se procurasse pollutionem.
- 25 Qui habuit copulam cum soluta, satisfacit Confessionis præcepto, dicens; commisi cum soluta graue peccatum contra castitatem, non explicando copulam.
- 26 Quando litigantes habent pro se opiniones æquè probabiles, potest Iudex pecuniam accipere pro ferenda sententia in fauorem vnius præ alio.
- 27 Si liber sit alicuius iunioris, & moderni, debet opinio censerì probabilis, dum non constet, reiectam esse à Sede Apostolica tanquàm improbabilem.
- 28 Populus non peccat, etiam absque vlla causa non recipiat legem à Principe promulgatam.

Quibus peractis, dum similium Propositionum examini cura, & studiū impenditur, intercā idem Sanctissimus re maturè considerata statuit, & decreuit, prædictas Propositiones, & vnamquamque ipsarum, vt minimū, tanquam scandalosas esse damnandas, & prohibendas, sicut eas damnat, ac prohibet: itā vt quicumque illas, aut coniunctim, aut diuissim docuerit, defenderit, ediderit, aut de eis etiam disputatiuè, publicè, aut priuatim tractauerit, nisi forsan impugnando ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolui.

Insupèr districtè in virtute sanctæ obedienciæ, & sub interminatione Diuini iudicii prohibet omnibus Christifidelibus cuiuscumque conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Ioannes Lupus Sanctæ Romane, & Vniuersalis Inquisitionis Not.

Loco † sigilli.

Anno

Anno à Natiuitate Domini Nostri Iesu Chri-
 sti millesimo sexcentesimo sexagesimoquinto
 Indictione tertia, die verò secunda mensis
 Octobris, Pontificatus autem Sanctiss. in
 Christo Patris, & D. N. D. Alexandri Diui-
 na Prouidentia Papa VII. anno undecimo,
 supradictum Decretum affixum, & publica-
 tum fuit ad valuas Basilicæ Prîncipis Apo-
 stolorum, Cancellariæ Apostolicæ, ac in acie
 Campi Floræ, ac in alijs locis solitis, & con-
 suetis Urbis per me Carolum Melanum
 eiusdem Sanctiss. D. N. Papæ, & Sanctiss.
 Inquisitionis Cursorem.

ROMÆ, Typis Reu. Cam. Apost. 1665.

Handwritten text, likely a list or index, written in a cursive script. The text is arranged in several lines, with some words appearing to be in a different language or dialect. The handwriting is somewhat faded and the ink is dark.

Handwritten text, possibly a title or a section header, written in a cursive script. The text is arranged in a single line, with some words appearing to be in a different language or dialect. The handwriting is somewhat faded and the ink is dark.

Handwritten text, possibly a body of text or a list, written in a cursive script. The text is arranged in several lines, with some words appearing to be in a different language or dialect. The handwriting is somewhat faded and the ink is dark.

Feria v. die 18. Martij 1666.

In Congregatione generali Sanctæ Romanæ, & vniuersalis Inquisitionis habita in Palatio Apostolico Montis Quirinalis coram Sanctiss. D.N.D. Alexandro Diuina Providentia Papa VII. ac Eminentissimis, & Reuerendissimis DD.S.R.E. Cardinalibus in tota Republica Christiana aduersus hæreticam prauitatem Generalibus Inquisitoribus à S. Sede Apostolica specialitèr Deputatis.



Sanctissimus D. N. post latum Decretum die xxiv. Septembris proximè clapsi,

psi, quo viginti octo Propositiones damnatae fuerunt, examinatis sedulò, & accuratè vsque ad hanc diem infra scriptis alijs quadragesimum quintum numerum implentibus, per plures in Sacra Theologia Magistros, ac per Eminentissimos, & Reuerendissimos Dominos Cardinales aduersus hæreticam prauitatem Generales Inquisitores, eorum suffragia singillatim super vnaquaque ipsarum audiuit.

- 29 In die ieiunij, qui sæpiùs modi cum quid comedit, etsi notabilem quantitatem in fine comederit, non frangit ieiunium.
- 30 Omnes Officiales, qui in Republica corporaliter laborant, sunt excusati ab obligatione ieiunij, nec debent se certificare, an labor sit compatibilis cum ieiunio.
- 31 Excusantur absolutè à præcepto ieiunij omnes illi, qui iter agunt equitando, vtcumque iter agant, etiamsi iter necessarium non sit, & etiamsi iter vnius diei conficiant.
- 32 Non est euidens, quod consuetudo non comedendi oua, & lacticia in Quadagesima obliget.
- 33 Restitutio fructuum ob emissionem horarum

rarum suppleri potest per quascumque elemosynas, quas antea Beneficiarius de fructibus sui beneficii fecerit.

34 In die Palmarum recitans Officium Paschale, satisfacit præcepto.

35 Vnico officio potest quis satisfacere duplici præcepto pro die præsentis, & crastino.

36 Regulares possunt in foro conscientie uti privilegijs suis, quæ sunt expressè reuocata per Concilium Tridentinum.

37 Indulgentiæ concessæ Regularibus, & reuocatæ à Paulo V. hodiè sunt reuoludatæ.

38 Mandatum Tridentini factum Sacerdoti sacrificanti ex necessitate cum peccato mortali confitendi quamprimùm, est consilium, non præceptum.

39 Illa particula *quamprimùm* intelligitur, cum Sacerdos suo tempore confitebitur.

40 Est probabilis opinio, quæ dicit, esse tantùm veniale osculum habitum ob delectationem carnalem, & sensibilem, quæ ex osculo oritur, secluso periculo consensus vltioris, & pollutionis.

41 Non

- 41 Non est obligandus concubinarium ad
eijciendam concubinam, si hæc nimis
utilis esset ad oblectamentum concubina-
rij, vulgò *regalo*, dum deficiente illo, ni-
mis egrè ageret vitam, & aliæ epulæ tæ-
dio magno concubinarium afficerent;
& alia famula nimis difficilè inuenire-
tur.
- 42 Licitum est mutuanti aliquid vltra for-
tem exigere, si se obliget ad non repe-
tendam sortem vsque ad certum tem-
pus.
- 43 Annuum legatum pro Anima relictum,
non durat plus quam per decem annos.
- 44 Quoad forum conscientiae, Reo corre-
cto, iusque contumacia cessante, cessant
censuræ.
- 45 Libri prohibiti donec expurgentur, pos-
sunt retineri, vsquè dum adhibita dili-
gentia corrigantur.

Quibus maturè pensatis, idem Sanctissimus
statuit; ac decreuit, prædictas Proposi-
tiones, & vnamquamque ipsarum, vt
minimum, tanquàm scandalosas esse
damnandas, & prohibendas; sicut eas
damnat, ac prohibet; itàut quicumque
illas,

illas, aut coniunctim, aut diuifim docuerit, defenderit, ediderit, aut de eis etiam disputatiuè, publice, aut priuatim tractauerit, nisi forsan impugnando, ipso facto incidat in excommunicationem, à qua non possit (præterquam in articulo mortis) ab alio quacumque etiam dignitate fulgente, nisi à pro tempore existente Romano Pontifice, absolui.

Insuper districtè in virtute sanctæ obedientiæ, & sub interminatione Diuini Iudicii prohibet omnibus Christifidelibus cuiuscumque conditionis, dignitatis, ac status, etiam speciali, & specialissima nota dignis, ne prædictas opiniones, aut aliquam ipsarum ad praxim deducant.

Ioannes Lupus Sanctæ Romanæ, & Vniuersalis Inquisitionis Not.

Loco † sigilli.

Anno à Natiuitate D.N. IESV CHRISTI millesimo sexcentesimo sexagesimo sexto, Indictione quarta, die verò 25. mensis Martij, Pontificatus autem Sanctiss. in Christo Patris, & D.N.D. Alexandri, Diuina Prouidentia Papæ VII. anno vndecimo, supradictum Decretum affixum, & publicatum fuit ad valuas Basilicæ Principis Apostolorum, Cancellariæ Apostolicæ, & in acie Campi Floræ, ac
in

in alijs locis solitis, & consuetis Urbis per me Carolum
Melanum eiusdem Sanctiss. D. N. Papæ, & Sanctissimæ
Inquisitionis Cursorem.

ROMÆ, Typis Reu. Cam. Apost. 1666.

